



Javno preduzeće "Grijanje" d.o.o. Zenica, Bilimšće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu članova 70. i 71. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24 – u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 9079/26 od 15.09.2026. godine, Uprava Javnog preduzeća „Grijanje“ d.o.o. Zenica, donosi:

ODLUKU **o izboru najpovoljnijeg ponuđača**

I

„SEC ONE“ d.o.o. Sarajevo, Bačići 3, 71000 Sarajevo bira se za najpovoljnijeg ponuđača u postupku nabavke usluga – Tehnička zaštita, prevoz i osiguranje novca i redovni servisi tehničke zaštite putem konkurentskog zahtjeva za dostavu ponuda, Obavještenje o nabavci sa portala javnih nabavki broj: 1091-7-2-154-3-39/26 od 02.09.2026. godine.

II

Odabranom ponuđaču bit će ponuđen Ugovor o nabavci usluga – Tehnička zaštita, prevoz i osiguranje novca i redovni servisi tehničke zaštite, a najkasnije u roku od **10 (deset) dana** od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 02.09.2026. godine ugovorni organ je sačinio tendersku dokumentaciju broj: 8631/26 za nabavku usluga – Tehnička zaštita, prevoz i osiguranje novca i redovni servisi tehničke zaštite putem konkurentskog zahtjeva za dostavu ponuda, procijenjene vrijednosti 12.000,00 KM.

Na osnovu Obavještenja o nabavci broj: 1091-7-2-154-3-39/26 od 02.09.2026. godine, objavljenog na Portalu javnih nabavki ejn.gov.ba, ponudu su blagovremeno dostavila dva ponuđača, i to:

1. „SEC ONE“ d.o.o. Sarajevo, Bačići 3, 71000 Sarajevo sa ponuđenom cijenom u iznosu od 11.990,00 KM;
2. Agencija za zaštitu ljudi i imovine „GAMA AA“ d.o.o. Sarajevo, Bulevar Meše Selimovića broj 16, 71000 Sarajevo sa ponuđenom cijenom u iznosu od 9.892,50 KM.

U toku pregleda i ocjene pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa utvrdila je sljedeće:

- Ponuđač Agencija za zaštitu ljudi i imovine „GAMA AA“ d.o.o. Sarajevo u dostavljenom Obrascu za ponudu (PRILOG I) naveo je da ponuda važi 90 (devedest) dana odnosno do 14.12.2026. godine, što je u suprotnosti sa tačkom 4.11. tenderske dokumentacije koja propisuje da je period važenja ponude 120 (stotinudvadeset) dana. Shodno navedenom, ponuda ponuđača Agencija za zaštitu ljudi i imovine „GAMA AA“ d.o.o. Sarajevo ocijenjena je kao nepravilna, jer nije u skladu sa tenderskom dokumentacijom.
- Ponuđač „SEC ONE“ d.o.o. Sarajevo dostavio je ponudu u skladu sa tenderskom dokumentacijom i ista je ocijenjena kao prihvatljiva.

Tenderskom dokumentacijom je predviđeno provođenje e-aukcije, ali kako je pristigla samo jedna prihvatljiva ponuda e-aukcija nije zakazana, a postupak se okončava u skladu sa članom 69. Zakona.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „SEC ONE“ d.o.o. Sarajevo, Bačići 3, 71000 Sarajevo kao najpovoljnijeg za predmetnu nabavku, te da odabranom ponuđaču ponudi zaključenje ugovora

- o nabavci usluga – Tehnička zaštita, prevoz i osiguranje novca i redovni servisi tehničke zaštite.

Imajući u vidu navedeno, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka, putem ugovornog organa, lično ili preporučenom poštom, u roku od **5 (pet) dana** od dana prijema iste.

Direktor



Muhammed Pašalić, Mr.dipl.ing.el.

Broj: 9080/26

Datum: 15.09.2026. godine

DOSTAVITI :

2x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove